

perlu melaksanakan proses migrasi teknologi bagi meningkatkan keupayaan rangkaian sedia ada.

Pada masa kini, harga langganan jalur lebar asas di Malaysia adalah 3.1% daripada jumlah pendapatan per kapita. Kerajaan mensasarkan harga jalur lebar asas pada tahun 2020 adalah dalam lingkungan 2% daripada jumlah pendapatan per kapita. Ini adalah berdasarkan perbandingan dengan negara-negara maju seperti yang dilaporkan oleh Suruhanjaya Jalur Lebar untuk Pembangunan Digital yang ditubuhkan oleh Kesatuan Telekomunikasi Antarabangsa (ITU) dan United Nations Educational, Scientific and Cultural Organization (UNESCO). Oleh yang demikian, harga jalur lebar untuk 100Mbps juga disasarkan akan menurun mengikut perkadaran tersebut bergantung kepada jumlah permintaan.